



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1721. usque ad annum 1724

**Fleury, Claude**

**August. Vind. [u.a.], 1783**

**VD18 90119304**

§. 30. Innocentii XIII. Neo - electi Papæ gesta ante Pontificatum.

---

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

Sæc. XVIII.  
A. C. 1721.  
laum de Judice: Cardinalem vero Paoluccium Urbis & Orbis Vicarium, Olivierium Secretarium Brevium, & Originium Congregationis Concilii Tridentini Præfectum, & Marefoscium Auditorem nominavit. Prima Pontificatus sui auspicia præclaro pietatis specimen honestabat; supremum enim Inquisitionis Commissarium adesse iussit, eidem injungens, ut deinceps hujus Tribunalis rigorem temperaret, reosque mitius haberet: eapropter Mense Septembri a Bernardo Maria Cardinale de Comitibus Pontificis Fratere, qui Inquisitionis Præses erat, plures captivi sine omni pœnitentia libertati fuere redditi.

## §. XXX.

*Innocentii XIII. Papæ gesta ante Pontificatum.*

*Vit. Card.*  
*t. I p. 273.*  
*Guarnac. l.c.*  
*pag. 138.*

Natus erat Michael Angelus de Comitibus Romæ Anno 1655. die decima tertia Maij Illustrissimis Parentibus Carolo II. Poli Duce, & Isabella Muti lectissima Matrona, ac Ducissa. A teneris propensum ad sacram militiam animum præferens, studiis huic statui congruis admovebatur, ac præprimis sub cura Patruj sui Joannis Nicolai Episcopi Anconitani Philosophiæ &

& Theologiæ egregiam navabat ope- Sæc. XVIII.  
 ram: Emenso autem studiorum curri- A. C. 1721.  
 culo cum Cardinali Patruo suo, qui  
 ad Vaticana pergebat comitia, Ro-  
 mam venit, ubi ab Alexandro VIII.  
 Cubicularius honorarius renunciatus, ad  
 Franciscum Maurocenum Venetiarum  
 Ducem ablegabatur, ut ad eundem in  
 fortitudinis præmium sacratum Ensem &  
 galeam Pontificis nomine deferret. Ex-  
 acto hoc negotio, atque Alexandro VIII.  
 fatis functo Michael ab Innocentio XII.  
 Asculanæ, Frusinonensis, Viterbiensis  
 aliarumque Pontificiæ ditionis urbium  
 Gubernator dictus, Tharsensis Archi-  
 episcopus nominabatur, qua dignitate  
 auctus, primo ad Helvetios, postea ad  
 Lusitanæ Regem Nuntius Apostolicus  
 decernebatur, qua legatione per duo-  
 decim annos cum maxima nominis sui  
 laude, ac Regis satisfactione defunctus  
 est. Nec tamen hoc fortunæ benefi-  
 cium sine invidiæ ac fastidii sæcibus  
 Michaeli affluerat; præterquam enim,  
 quod Clemens XI. Papa illum Austria-  
 corum partibus ultra modum adhæ-  
 rere suspicaretur, occasione Quinde-  
 niorum seu tributis, quod idem Pontifex  
 Anno 1705. ex Jesuitarum proventibus,  
 pendere petiit, gravissimam Reginæ  
 indignationem incurrebat: Rem, ne  
 averli animi arguar, ipsis P. Antonii  
 Franco

Sæc. XVIII. Franco Jesuitæ Historici verbis refero:

A. C. 1721. Hoc anno recruduit controversia de Quindennis. Petrus II. Rex, cum ad bellum procederet, Regni administrationem Regine Angliæ

*Synops.* Annal. Soc. Sorori suæ commisit: Hac opportunitate ad An. 1704. utendum ratus Nuntius, nostrum P. Prop. 416. n. 5. vincialem adstrinxit, ut quantocius Quindennia solveret. Quo cognito verbis exprimi nequit, ad quantam iracundiam in

tempestitiva hæc Nuntii sedulitas Regine animum provocarit; probe enim prospexerat Regina, sibi, ac Regi per hoc injuriam fieri, quod in præsentis rerum vicissitudine hoc negotium denuo moveretur, perinde ac si unice in sui despectum, suorumque mandatorum vilipensionem tum hanc solutionem extorquendi animus fuisset. Eaproptat Nuntio accessus ad Regale Palatium, nec non immunitatis, qua hucusque tanquam Legatus Pontificius fruebatur, usus fuit interdictus, eo quod debitæ (uti creditum) erga Reginam Reverentiæ officium neglexisset: Regina literas justæ indignationis testatæ ad Papam dari jussit, suumque decretum, quo quindennia solvere prohibitum, innovavit: quinimo Nuntio Apostolico denuntiari jussit, ut e Regno excederet. Postquam vero Joannes V. Regni habenas moderari cæperat, Regine jussa revocavit, quæ tamen inde tantopere commota est, ut Regni administrationem penitus abdicaret. Anno sequenti

Michael

Michael Lusitanæ Protector sacro Pur- Sæc. XVIII.  
 puratorum Collegio adscriptus, atque A. C. 1721.  
 in Episcopum Auximanæ Ecclesiæ e-  
 lectus, Romamque tertio post anno re-  
 versus Fratrem suum Bernardum de  
 Comitibus in Terracinensem Episco-  
 pum sacrabat: Anno hujus sæculi se-  
 ptimo Clemens XI. sua Constitutione  
 sanxerat, ut Cardinales coram Regi-  
 bus ac Principibus recto capite starent,  
 & Poloniæ Regina, eoquod Cardina-  
 les ea ex causa eidem ad Natalitia Do-  
 mini festa gratulationis obsequium de-  
 ferre renuerent, apud Papam de Car-  
 dinale Grimaldo Biretum detrahare re-  
 nuente, vehementer querebatur, Michael  
 vero hanc litem facile composuit, dum  
 ipsemet coram Regina ultro caput dete-  
 geret, moxque ceteri omnes Cardinales  
 ejus sequerentur exemplum. Postmo-  
 dum ad Auximanam Ecclesiam suam  
 se contulit, quam etiam præceptis or-  
 navit sanctissimis, ac moribus inconta-  
 minatis, & justitia incorrupta per plures  
 annos rexit, donec Anno 1719. ad Vi-  
 terbensem Episcopatum transferretur,  
 cujus tamen possessionem non adiit,  
 ad supremum Pontificatum assumptus.

§. XXXI.